

॥ तैत्तिरीय आरण्यकम् ॥

॥ तृतीयः प्रश्नः ॥

ॐ तच्छुं योरावृणीमहे। गा॒तुं यज्ञायां। गा॒तुं यज्ञपतये। दैवी॑
स्वस्तिरस्तु नः। स्वस्तिर्मानुषेभ्यः। ऊर्ध्वं जिंगातु भेषजम्। शं नौ
अस्तु द्विपदैः। शं चतुष्पदे। ॐ शान्ति॑ः शान्ति॑ः शान्ति॑ः॥

चित्ति॑ः स्तुक्। चित्तमाज्यम्॑। वाग्वेदिः। आर्धीतं बुरुहिः।
केतो॑ अ॒ग्निः। विज्ञातमग्निः। वाक्पतिरहोता॑॥। मनं उपवक्ता। प्राणो
हुविः। सामौ॒ध्वर्युः। वाचस्पते विधे नामन्। विधेम् ते नाम॑।
विधेस्त्वमस्माकं नाम॑। वा॒चस्पति॑ः सोम् पिबतु। आ॒स्मासु॑
नृम्णन्धाथ्स्वाहा॑॥१॥

अ॒ध्वर्युः पञ्च च॥१॥

[१]

पृथिवी होता॑॥। घौरंध्वर्युः। रुद्रो॒ऽग्नीत्। बृहस्पतिरुपवक्ता।
वाचस्पते वाचो वीर्येण। सम्भृततमेनायंक्ष्यसे। यजंमानायु॑ वार्यम्॑।
आसुवस्करस्मै। वा॒चस्पति॑ः सोम् पिबतु। जुजनुदिन्द्रिमिन्द्रियायु॑
स्वाहा॑॥२॥

पृथिवी होता॑ दश॥२॥

[२]

अ॒ग्निरहोता॑॥। अ॒श्विना॒॑ध्वर्यू। त्वष्टा॒ऽग्नीत्। मित्र उपवक्ता।
सोमः॑ सोमस्य पुरोगाः। शुक्रः॑ शुक्रस्य॑ पुरोगाः। श्रातास्तं इन्द्र॑
सोमाः। वातोपेरहवनुश्रुतः॑ स्वाहा॑॥३॥

अग्निर्होतु इष्टौ॥१॥

[३]

सूर्यं ते चक्षुः। वातं प्राणः। द्यां पृष्ठम्। अन्तरिक्षमात्मा।
 अङ्गैर्यज्ञम्। पृथिवी॑ शरीरैः। वाचस्पतेऽच्छिद्रया वाचा।
 अच्छिद्रया जुह्वा॑। दिवि दैवावृध॑ होत्रा॒ मेरयस्व॒ स्वाहा॑॥४॥
 सूर्यं ते नवं॥१॥

[४]

महाह॑विरहोता॑। सत्यह॑विरध्वर्युः। अच्युतपाजा अग्नीत्।
 अच्युतमना उपवृत्ता। अनाधृष्यश्वाप्रतिधृष्यश्वं यज्ञस्याभिगरौ।
 अयास्य उद्गता। वाचस्पते हृष्टिधे नामन्। विधेम् ते
 नामं। विधेस्त्वमस्माकं नामं। वाचस्पतिः सोममपात्। मा
 दैव्यस्तन्तुश्छेदिमा मनुष्यः। नमो दिवे। नमः पृथिव्यै स्वाहा॑॥५॥
 अपात्रीणि च॥१॥

[५]

वाग्घोता॑। दीक्षा पर्नी॑। वातोऽध्वर्युः। आपौऽभिगरः। मनो
 हृविः। तपसि जुहोमि। भूर्भुवः सुर्वः। ब्रह्मं स्वयम्भु। ब्रह्मणे
 स्वयम्भुवे स्वाहा॑॥६॥

वाग्घोता॑ नवं॥१॥

[६]

ब्राह्मण एकंहोता। स यज्ञः। स मैं ददातु प्रजां पशून्पुष्टि॑
 यशः। यज्ञश्वं मे भूयात्। अग्निर्द्विहोता। स भर्ता। स मैं ददातु
 प्रजां पशून्पुष्टि॑ यशः। भर्ता च मे भूयात्। पृथिवी॑ त्रिहोता। स
 प्रतिष्ठा॑॥७॥

स मैं ददातु प्रजां पशून्पुष्टि॑ यशः। प्रतिष्ठा च मे भूयात्।

अन्तरिक्षं चतुर्होता। स विष्ठाः। स मै ददातु प्रजां पशून्पुष्टिं यशः। विष्ठाश्वं मे भूयात्। वायुः पञ्चहोता। स प्राणः। स मै ददातु प्रजां पशून्पुष्टिं यशः। प्राणश्वं मे भूयात्॥८॥

चन्द्रमाः षड्होता। स क्रृतून्कल्पयाति। स मै ददातु प्रजां पशून्पुष्टिं यशः। क्रतवश्वं मे कल्पन्ताम्। अन्नं सुप्तहोता। स प्राणस्यं प्राणः। स मै ददातु प्रजां पशून्पुष्टिं यशः। प्राणस्यं च मे प्राणो भूयात्। घौरष्टहोता। सोऽनाधृष्यः॥९॥

स मै ददातु प्रजां पशून्पुष्टिं यशः। अनाधृष्यश्वं भूयासम्। आदित्यो नवहोता। स तेजस्वी। स मै ददातु प्रजां पशून्पुष्टिं यशः। तेजस्वी च भूयासम्। प्रजापतिर्दशहोता। स इदं सर्वम्। स मै ददातु प्रजां पशून्पुष्टिं यशः। सर्वं च मे भूयात्॥१०॥

प्रतिष्ठा प्राणश्वं मे भूयादनाधृष्यः सर्वं च मे भूयात्॥१॥

[७]

अग्निर्यजुर्भिः। सविता स्तोमैः। इन्द्रं उकथामदैः। मित्रावरुण-वाशिषां। अङ्गिरसो धिष्णियैरग्निभिः। मरुतः सदोहविर्धानाभ्याम्। आपः प्रोक्षणीभिः। ओषधयो ब्रह्मिणां। अदितिर्वेद्यां। सोमो दीक्षयां॥११॥

त्वष्टेष्मेनं। विष्णुर्यज्ञेनं। वसव आज्येन। आदित्या दक्षिणाभिः। विश्वे देवा ऊर्जा। पूषा स्वंगाकारेण। बृहस्पतिः पुरोधयां। प्रजापतिरुद्गीथेनं। अन्तरिक्षं पुवित्रेण। वायुः पात्रैः। अहं श्रद्धयां॥१२॥

दीक्षया पात्रैरेकं च॥२॥

[८]

सेनेन्द्रस्य धेना बृहस्पतेः। पृथ्या पूष्णः। वाग्वायोः। दीक्षा
सोमस्य। पृथिव्यग्नेः। वसूनां गायुत्री। रुद्राणां त्रिष्टुक्। आदित्यानां
जगती। विष्णोरनुष्टुक्॥१३॥

वरुणस्य विराट्। यज्ञस्य पङ्किः। प्रजापतेरनुमतिः।
मित्रस्य श्रद्धा। सवितुः प्रसूतिः। सूर्यस्य मरीचिः। चन्द्रमसो
रोहिणी। ऋषीणामरुन्धती। पर्जन्यस्य विद्युत्। चतस्रो दिशः।
चतस्रोऽवान्तरदिशाः। अहश्च रात्रिश्च। कृषिश्च वृष्टिश्च। त्विषिश्चा-
पचितिश्च। आपश्चौषधयश्च। ऊर्कं सूनृतां च देवानां पलंयः॥१४॥
अनुष्टुप्दिशः पद्म॥२॥

[९]

देवस्य त्वा सवितुः प्रसवे। अश्विनोर्बहुभ्याम्। पूष्णो हस्ताभ्यां
प्रतिगृह्णामि। राजा त्वा वरुणो नयतु देवि दक्षिणेऽग्रये हिरण्यम्।
तेनामृतत्वमश्याम्। वयो दात्रे। मयो मह्यमस्तु प्रतिग्रहीत्रे। क इदं
कस्मां अदात्। कामः कामाय। कामो दाता॥१५॥

कामः प्रतिग्रहीता। कामः समुद्रमाविशा। कामैन त्वा
प्रतिगृह्णामि। कामैतत्ते। एषा ते काम् दक्षिणा। उत्तानस्त्वाङ्गीरसः
प्रतिगृह्णातु। सोमाय वासः। रुद्राय गाम्। वरुणायाश्वम्। प्रजापतये
पुरुषम्॥१६॥

मनवे तल्पम्। त्वष्टेऽजाम्। पूष्णेऽविम्। निरऋत्या

अश्वतरगर्दभौ। हि मवंतो हुस्तिनम्। गृन्धर्वाप्सुराभ्यः स्नगलं
करणे। विश्वेभ्यो देवेभ्यो धान्यम्। वाचेऽन्नम्। ब्रह्मण ओदुनम्।
सुमुद्रायाऽप्यः॥१७॥

उत्तानायाङ्गीरुसायानः। वैश्वानराय रथम्। वैश्वानरः प्रलथा
नाकमारुहत्। दिवः पृष्ठं भन्दमानः सुमन्मध्यिः। स पूर्ववञ्जनयञ्जन्तवे
धनम्। सुमानमज्मा परियाति जागृविः। राजा त्वा वरुणो नयतु
देवि दक्षिणे वैश्वानराय रथम्। तेनामृतत्वमश्याम्। वयो दात्रे। मयो
मह्यमस्तु प्रतिग्रहीत्रे॥१८॥

क इदं कस्मा अदात्। कामः कामाय। कामो दाता।
कामः प्रतिग्रहीता। कामः समुद्रमा विशा। कामेन त्वा
प्रतिगृह्णामि। कामैतत्ते। एषा ते काम दक्षिणा। उत्तानस्त्वाङ्गीरुसः
प्रतिगृह्णातु॥१९॥

दाता पुरुषमप्यः प्रतिग्रहीत्रे नवं च॥५॥——————[१०]

सुवर्णं घर्मं परिवेद वेनम्। इन्द्रस्याऽत्मानं दशधा चरन्तम्।
अन्तः समुद्रे मनसा चरन्तम्। ब्रह्मान्विन्ददद्वशहोतारमर्णै। अन्तः
प्रविष्टः शास्ता जनानाम्। एकः सन्वहुधा विचारः। शतः शुक्राणि
यत्रैकं भवन्ति। सर्वे वेदा यत्रैकं भवन्ति। सर्वे होतारे यत्रैकं
भवन्ति। सुमानसीन आत्मा जनानाम्॥२०॥

अन्तः प्रविष्टः शास्ता जनानां सर्वात्मा। सर्वाः प्रजा यत्रैकं

भवन्ति। चतुर्होतारे यत्र सम्पदं गच्छन्ति देवैः। समानसीन
आत्मा जनानाम्। ब्रह्मेन्द्रमग्निं जगेतः प्रतिष्ठाम्। दिव आत्मानं
सवितारं बृहस्पतिम्। चतुर्होतारं प्रदिशोऽनु कुप्तम्। वाचो वीर्यं
तपसाऽन्विन्दत्। अन्तः प्रविष्टं कुर्तरिमेतम्। त्वष्टारः रूपाणि
विकुर्वन्तं विपक्षिम्॥२१॥

अमृतस्य प्राणं यज्ञमेतम्। चतुर्होतृणामात्मानं कवयो
निचिंक्युः। अन्तः प्रविष्टं कुर्तरिमेतम्। देवानां बन्धु निहितं
गुहासु। अमृतेन कुप्तं यज्ञमेतम्। चतुर्होतृणामात्मानं कवयो
निचिंक्युः। शतं नियुतः परिवेद् विश्वा विश्ववारः। विश्वमिदं
वृणाति। इन्द्रस्याऽत्मा निहितः पञ्चहोता। अमृतं देवानामायुः
प्रजानाम्॥२२॥

इन्द्रः राजानः सवितारमेतम्। वायोरात्मानं कवयो
निचिंक्युः। रश्मिः रश्मीनां मध्ये तपन्तम्। कृतस्य पुदे कवयो
निपन्ति। य औण्डकोशे भुवनं बिभर्ति। अनिर्भिणः सन्तर्थं
लोकान् विचष्टैः। यस्याऽण्डकोशः शुष्माहुः प्राणमुल्बम्। तेन
कुप्तोऽमृतेनाहमस्मि। सुवर्णं कोशः रजसा परीवृतम्। देवानां
वसुधार्नीं विराजम्॥२३॥

अमृतस्य पूर्णान्तामुं कुलां विचक्षते। पादः षड्होतुर्न
किलाविविथ्से। येन्तर्वः पञ्चधोत कुप्ताः। उत वा पृष्ठा मनसोत

कूसाः। तः षड्गोतारमृतुभिः कल्पमानम्। कृतस्य पदे कवयो
निपान्ति। अन्तः प्रविष्टं कर्तारमेतम्। अन्तश्चन्द्रमसि मनसा
चरन्तम्। सहैव सन्तु न विजानन्ति देवाः। इन्द्रस्याऽत्मानः
शतधा चरन्तम्॥२४॥

इन्द्रो राजा जगतो य ईशोः। सुसहोता सप्तधा विकृसः। परेण
तनुं परिषिव्यमानम्। अन्तरादित्ये मनसा चरन्तम्। देवानां
हृदयं ब्रह्मान्विन्दत्। ब्रह्मैतद्ब्रह्मण् उज्ज्वलाः। अर्कङ् श्रोतन्तः
सरिरस्य मध्यैः। आ यस्मिन्थसुस परेवः। मेहन्ति बहुलाः श्रियम्।
बृहृश्वामिन्द्र गोमतीम्॥२५॥

अच्युतां बहुलाः श्रियम्। स हरिवसुवित्तमः। पेरुरिन्द्राय
पिन्वते। बृहृश्वामिन्द्र गोमतीम्। अच्युतां बहुलाः श्रियम्।
मह्यमिन्द्रो नियच्छतु। शतः शता अस्य युक्ता हरीणाम्।
अर्वाङ्ग यातु वसुभी रश्मिरिन्द्रः। प्रमहमाणो बहुलाः श्रियम्।
रश्मिरिन्द्रः सविता मे नियच्छतु॥२६॥

घृतं तेजो मधुमदिन्द्रियम्। मध्यमग्निर्दधातु। हरिः पतञ्जः
पट्टरी सुपर्णः। दिविक्षयो नभसा य एति। स न इन्द्रः कामवरं
ददातु। पश्चारं चक्रं परिवर्तते पृथु। हिरण्यज्योतिः सरिरस्य मध्यैः।
अजस्रं ज्योतिर्नभसा सर्पदेति। स न इन्द्रः कामवरं ददातु। सप्त
युञ्जन्ति रथमेकचक्रम्॥२७॥

एको अश्वो वहति सप्तनामा। त्रिनाभिं चक्रमजरमनर्वम्।
येनेमा विश्वा भुवनानि तस्थः। भुद्रं पश्यन्त उपसेदुरग्रे। तपो
दीक्षामृषयः सुवर्विदः। ततः क्षत्रं बलमोजश्च जातम्। तदस्मै देवा
अभि सन्नमन्तु। श्वेत रश्मिं बौभुज्यमानम्। अपां नेतारं भुवनस्य
गोपाम्। इन्द्रं निचिक्युः परमे व्योमन्॥२८॥

रोहिणीः पिङ्गला एकरूपाः। क्षरन्तीः पिङ्गला एकरूपाः।
शत रुहस्त्राणि प्रयुतानि नाव्यानाम्। अयं यः श्वेतो रश्मिः। परि
सर्वमिदं जगत्। प्रजां पशून्धनानि। अस्माकं ददातु। श्वेतो रश्मिः
परि सर्वं बभूव। सुवन्मह्यं पशून् विश्वरूपान्। पतङ्गमक्तमसुरस्य
मायया॥२९॥

हृदा पश्यन्ति मनसा मनीषिणः। समुद्रे अन्तः कवयो वि-
चक्षते। मरीचीनां पदमिच्छन्ति वेधसः। पतङ्गो वाचं मनसा बिभर्ति।
तां गन्धर्वोऽवद्दर्भं अन्तः। तां द्योतमानाऽस्य मनीषाम्। ऋतस्य
पदे कवयो निपान्ति। ये ग्राम्याः पशवो विश्वरूपाः। विरूपाः सन्तो
बहुधैकरूपाः। अग्रे प्रमुमोक्तु देवः॥३०॥

प्रजापतिः प्रजयां संविदानः। वीतः स्तुकेस्तुके। युवमस्मासु
नियच्छतम्। प्रप्रयज्ञपतिन्तिरा ये ग्राम्याः पशवो विश्वरूपाः।
विरूपाः सन्तो बहुधैकरूपाः। तेषाऽसप्तनामिह रन्तिरस्तु।
रायस्पोषाय सुप्रजास्त्वाय सुवीर्याय। य आरण्याः पशवो

विश्वरूपाः। विरूपाः सन्तो बहुधैकरूपाः। वायुस्ताऽ अग्ने
प्रमुमोक्तु देवः। प्रजापतिः प्रजया संविदानः। इडायै सृष्टि
घृतवच्चराचरम्। देवा अन्विन्दन्गुहा हितम्। य आरण्याः पश्चावौ
विश्वरूपाः। विरूपाः सन्तो बहुधैकरूपाः। तेषाऽ सप्तानामिह
रन्तिरस्तु। रायस्पोषाय सुप्रजास्त्वाय सुवीर्याय॥ ३१॥

आत्मा जनानां विकुर्वन्ति विपृश्च प्रजानां वसुधानां विराजं चरन्तं गोमतीं मे नियच्छ्रुतेकचक्रं व्यैमन्मायया
देव एकरूपा अष्टो च॥ १२॥ [११]

सुहस्रशीर्षा पुरुषः। सुहस्राक्षः सुहस्रपात्। स भूमिं विश्वतो
वृत्वा। अत्यतिष्ठदशाङ्गुलम्। पुरुष एवेदऽ सर्वम्। यद्भूतं यच्च
भव्यम्। उतामृतत्वस्येशानः। यदन्नैनातिरोहति। एतावानस्य
महिमा। अतो ज्यायाऽश्च पूरुषः॥ ३२॥

पादौऽस्य विश्वां भूतानि। त्रिपादस्यामृतं दिवि। त्रिपादृधर्व
उदैत्पुरुषः। पादौऽस्येहाभवात्पुनः। ततो विष्वद्विक्रामत्।
साशनानशने अभि। तस्माद्विराङ्गजायत। विराजो अधि पूरुषः।
स जातो अत्यरिच्यत। पश्चाद्विमिथो पुरः॥ ३३॥

यत्पुरुषेण हुविषां। देवा यज्ञमत्न्वत। वसन्तो अस्यासी-
दाज्यम्। ग्रीष्म इध्मः शरद्विः। सप्तास्यांसन्परिधयः। त्रिः सप्त
समिधः कृताः। देवा यद्यज्ञं तन्वानाः। अब्धन्पुरुषं पशुम्। तं यज्ञं
बुरुहिषि प्रोक्षन्। पुरुषं जातमग्रतः॥ ३४॥

तेन देवा अयंजन्त। साध्या कृष्णश्च ये। तस्मांद्युज्ञाथ्सर्वहुतः।
सम्भृतं पृष्ठदाज्यम्। पशूँस्ताँश्चके वायव्यान्। आरण्यान्प्राम्याश्च
ये। तस्मांद्युज्ञाथ्सर्वहुतः। कृच्चः सामानि जज्ञिरे। छन्दाँसि जज्ञिरे
तस्मात्। यजुस्तस्मादजायत॥३५॥

तस्मादश्वा अजायन्त। ये के चौभयादतः। गावो ह जज्ञिरे
तस्मात्। तस्मांज्ञाता अंजावयः। यत्पुरुषं व्यदधुः। कृतिधा
व्यकल्पयन्। मुखं किमस्य कौ बाहू। कावूरू पादावुच्येते।
ब्राह्मणोऽस्य मुखमासीत्। बाहू राजन्यः कृतः॥३६॥

ऊरू तदस्य यद्वैश्यः। पञ्चांशूद्रो अंजायत। चन्द्रमा
मनसो जातः। चक्षोः सूर्यो अजायत। मुखादिन्द्रश्चग्निश्च।
प्राणद्वायुरजायत। नाभ्या आसीदन्तरिक्षम्। शीर्षो द्यौः समवर्तत।
पञ्चां भूमिर्दिशः श्रोत्रात्। तथा लोकां अंकल्पयन्॥३७॥

वेदाहमेतं पुरुषं महान्तम्। आदित्यवर्णं तमसस्तु पारे।
सर्वाणि रूपाणि विचित्य धीरः। नामानि कृत्वाऽभिवदन् यदास्ते।
धाता पुरस्ताद्यमुदाजुहार। शकः प्रविद्वान्प्रदिशश्चतसः। तमेव
विद्वान्मृतं इह भवति। नान्यः पन्था अयनाय विद्यते। यज्ञेन
यज्ञमयजन्त देवाः। तानि धर्माणि प्रथमान्यासन्। ते हु नाकं
महिमानः सचन्ते। यत्र पूर्वं साध्याः सन्ति देवाः॥३८॥

पूरुषः पुरोऽग्रतोऽजायत कृतोऽकल्पयन्नासु द्वे च (ज्यायानपि पूरुषः। अन्यत्र पूरुषः॥)॥७॥—[१२]

अन्धः सम्भूतः पृथिव्यै रसाँचा। विश्वकर्मणः समवर्तताधि।
तस्य त्वष्टा विदधंदूपमेति। तत्पुरुषस्य विश्वमाजानुमग्रे। वेदाहमेतं
पुरुषं मुहान्तम्। आदित्यवर्णं तमसः परस्तात्। तमेवं विद्वानुमृतं
इह भवति। नान्यः पन्था विद्यतेऽयनाय। प्रजापतिश्चरति गर्भे
अन्तः। अजायमानो बहुधा विजायते॥३९॥

तस्य धीरः परिजानन्ति योनिम्। मरीचीनां पुदमिच्छन्ति
वेधसः। यो देवेभ्य आतंपति। यो देवानां पुरोहितः। पूर्वो यो
देवेभ्यो जातः। नमो रुचाय ब्राह्मये। रुचं ब्राह्मं जनयन्तः। देवा
अग्रे तदब्रुवन्। यस्त्वैवं ब्राह्मणो विद्यात्। तस्य देवा असन्वशे।
हीश्च ते लक्ष्मीश्च पत्यौ। अहोरात्रे पार्श्वे। नक्षत्राणि रूपम्। अश्विनौ
व्यात्तम्। इष्टं मनिषाण। अमुं मनिषाण। सर्वं मनिषाण॥४०॥

[१३]

भूर्ता सन्त्रियमाणो बिभर्ति। एको देवो बहुधा निविष्टः। युदा
भारं तन्द्रयते स भर्तुम्। निधाय भारं पुनरस्तमेति। तमेव मृत्युमुमृतं
तमाहः। तं भर्तारं तमुं गोसारमाहः। स भूतो त्रियमाणो बिभर्ति।
य एनं वेदं सत्येन भर्तुम्। सुधो जातमुत जहात्येषः। उतो जरन्तु
न जहात्येकम्॥४१॥

उतो बहूनेकमहर्जहार। अतन्द्रो देवः सदमेव प्रार्थः। यस्तद्वेद्
यत आबुभूवां सन्धां च यां सन्दुधे ब्रह्मणेषः। रमते तस्मिन्नुत

जीर्णे शयाने। नैनं जहात्यहः सु पूर्वेषु। त्वामापे अनु सर्वश्चरन्ति
जानुतीः। वथ्सं पयसा पुनानाः। त्वमुग्निः हव्यवाहुः समिन्थ्से।
त्वं भूर्ता मातुरिश्वा प्रजानाम्॥४२॥

त्वं यज्ञस्त्वमुवेवासि सोमः। तवं देवा हवमायन्ति सर्वे।
त्वमेकोऽसि बृहननुप्रविष्टः। नमस्ते अस्तु सुहवो म एधि। नमो
वामस्तु शृणुतः हवं मे। प्राणापानावजिरः सञ्चरन्तौ। ह्यामि
वां ब्रह्मणा तूर्तमेतम्। यो मां द्वेष्टि तं जहितं युवाना। प्राणापानौ
संविदानौ जहितम्। अमुष्यासुनामा सङ्गसाथाम्॥४३॥

तं मैं देवा ब्रह्मणा संविदानौ। वृधाय दत्तं तमुहः हनामि।
असंज्ञजान सुत आबूवा। यं यं जुजान् स उ गोपो अस्य। युदा
भारं तन्द्रयते स भर्तुम्। परास्य भारं पुनरस्तमेति। तद्वै त्वं प्राणो
अभवः। महान्भोगः प्रजापतेः। भुजः करिष्यमाणः। यद्देवान्प्राणयो
नवं॥४४॥

एकं प्रजानाङ्गसाथं नवं॥४॥ [१४]

हरिः हरन्तमनुयन्ति देवाः। विश्वस्येशानं वृषभं मतीनाम्।
ब्रह्म सर्वपमनुमेदमागात्। अयंनं मा विवधीर्विक्रमस्व। मा छिदो
मृत्यो मा वधीः। मा मे बलं विवृहो मा प्रमोषीः। प्रजां मा मे
रीरिष् आयुरुग्रा। नृचक्षसं त्वा हुविषां विधेम। सुद्यश्चकमनायं।
प्रवेपानायं मृत्यवै॥४५॥

प्रास्मा आशा अशृण्वन्। कामेनाजनयन्पुनः। कामेन मे काम-

आगांत्। हृदयाद्धृदयं मृत्योः। यदुमीषामदः प्रियम्। तदैतूपुमामुभि।
 परं मृत्यो अनु परेहि पन्थाम्। यस्ते स्व इतरो देवयानांत्।
 चक्षुष्मते शृणवते तैः ब्रवीमि। मा नः प्रजाः रीरिषो मोत वीरान्।
 प्र पूर्व्य मनसा वन्दमानः। नाधमानो वृषभं चरणीनाम्। यः
 प्रजानामेकराण्मानुषीणाम्। मृत्युं यज्जे प्रथमजामृतस्य॥४६॥
 मृत्यवै वीराऽश्रुत्वार्हि च॥२॥

[१५]

तुरणिर्विश्वदरशतो ज्योतिष्कृदसि सूर्य। विश्वमा भासि
 रोचनम्। उपयामगृहीतोऽसि सूर्याय त्वा भ्राजस्वत एष ते योनिः
 सूर्याय त्वा भ्राजस्वते॥४७॥

[१६]

आ प्यायस्व मदिन्तम् सोम् विश्वाभिरुतिभिः। भवां नः
 सप्रथस्तमः॥४८॥

[१७]

ईयुष्टे ये पूर्वतरामपश्यन् व्युच्छन्तीमुषसं मर्त्यासः।
 अस्माभिरु नु प्रतिचक्ष्याऽभूदो ते यन्ति ये अपरीषु पश्यान्॥४९॥

[१८]

ज्योतिष्मतीं त्वा सादयामि ज्योतिष्कृतं त्वा सादयामि
 ज्योतिर्विदं त्वा सादयामि भास्वतीं त्वा सादयामि ज्वलन्तीं
 त्वा सादयामि मल्मलाभवन्तीं त्वा सादयामि दीप्यमानां
 त्वा सादयामि रोचमानां त्वा सादयाम्यजसां त्वा सादयामि

बृहज्योतिषं त्वा सादयामि बोधयन्तीं त्वा सादयामि जाग्रतीं त्वा
सादयामि॥५०॥

[१९]

प्रयासायु स्वाहा॑ऽस्यासायु स्वाहा॑ वियासायु स्वाहा॑ संयासायु
स्वाहौद्यासायु स्वाहा॑ऽवयासायु स्वाहा॑ शुचे स्वाहा॑ शोकायु स्वाहा॑
तप्यत्वै स्वाहा॑ तपत्वै स्वाहा॑ ब्रह्महत्यायै स्वाहा॑ सर्वस्मै स्वाहा॑॥५१॥

[२०]

चित्तं सन्तानेन भुवं युक्ता रुद्रन्तनिम्ना पशुपतिः
स्थूलहृदयेनाग्निः हृदयेन रुद्रं लोहितेन शर्वं मतस्नाभ्यां
महादेवमन्तः पार्श्वेनौषिष्ठहनः शिङ्गीनिकोश्याभ्याम्॥५२॥

[२१]

तच्छुं योरावृणीमहे। गातुं यज्ञाय। गातुं यज्ञपतये। दैर्वी
स्वस्तिरस्तु नः। स्वस्तिर्मानुषेभ्यः। ऊर्ध्वं जिंगातु भेषजम्। शं
नो अस्तु द्विपदै। शं चतुर्ष्पदे। ॐ शान्तिः शान्तिः शान्तिः॥

हरिः ॐ॥

इति श्रीकृष्णायजुर्वेदीयतैत्तिरीयारण्यके तृतीयः प्रश्नः समाप्तः॥



generated on December 7, 2025

Downloaded from

<http://stotrasamhita.github.io> | StotraSamhita | Credits